

Thus, myrrham, et aurum regium.  
**Agnosce clara insignia**  
 Virtutis, ac regni tui  
 Puer, cui trinam pater  
 Praedestinavit indolem.  
**Regem, deumque adnunciant,**  
 Thesaurus, et flagrans odor  
 Thuris Sabaei, ac myrrheus  
 Pulvis sepulchrum praedocet.  
**Hoc est sepulchrum, quo Deus**  
 Dum corpus extingui sinit,  
 Atque id sepultum suscitat,  
 Mortis refregit carcerem.  
**O sola magnarum urbium**  
 Major Bethlem, cui contigit  
 Duce salutis coelitus  
 Incorporatum gignere.  
**Altrice te summo patri**  
 Haeres creatur unicus,  
 Homo ex tonantis spiritu,  
 Idemque sub membris Deus.  
**Hunc et prophetis testibus,**  
 Jisdemque signatoribus,  
 Testator, et sator jubet  
 Adire regnum, et cernere.  
**Regnum quod ambit omnia**  
 Dia, et marina, et terrea  
 A solis ortu ad exitum,  
 Et tartara, et coelum supra.  
**Audit tyrannus anxius**  
 Adesse regum principem,  
 Qui nomen Israël regat,  
 Teneatque David regiam.  
**Exclamat amens nuncio,**